

1 Pita

¹ I dere asęta, Yesu Kerisoné dotęyale *aposeł* whi Pitane dapó. I fota, Pontus, Kalesia, Kapadosia, Esia, Bitinia, i dosąayale hae kwiarapepaae dapó. Ti dięta, Kótóné ama sókó su yóló kae betero betereiteiné, i haemo uké wale so whi kaae ai betere ape.

² Atėru, Aya Kótóné dię kaaraai teópa, ama tuęnétei mo ama so whitóro betero pólo sokósu erapó. Kótóné ama so whi pólo atéro kae betera le alata, Deį Kepe Wisinėtei eró betera pólo. Aita, noa ala yaai ini, Yesu Kerisoné ama dere fo wosóló sya fóo, dię Talené ama so whi pólo dale mulótu, Yesuné samea apuróo yó pólo erapó. Kótóné ama hamokoróló hale tao sere alaró hosaa muni deýóló mo dua betere alatamo, mo turó dię tuępaae eraté fu betero pólo yae.

Nalo mo ti betere bete saalopóló haıtamo Kótóné doi sóro horótu betae

³ Da teteróló kaae tare whi Yesu Kerisoné Alima Kótóné doi doasi muló pólo, hale sóro horae. Ama da doasi kóleyóló tao suraalu, kisi so whi deýóló betera le pólo. Atétere alata, Kótóné Yesu Keriso kepaaróló betera leiteiné, take waaire alimó dapaakélé Talené mo ti beteraaire ala wisi eraalopóló haıtamo bitiré fu betero pólo erapó.

⁴ Atéro bitu, Kótóné dapaee eraaire wisi alaró melaaire ęlatamo hepen bemó ama mo wisiyóló kaae tarapó. Ai wisi wisi ęlata aluyóló doni, mo ti hale muó tawaalopó.

⁵ Take kemetere alimó dā aluyaqsóró, Kótóné mo ti betaaire ala hakearaai donoró betere be dē teópatei apaae tué tiki tiró betepa, me alané dā doraqsóró Kótóné ama fotokō wase kaae diru, sesétu beterapó.

⁶ Mió i betere alimó, kae kae sekēi alané diā kaae kólóló sū seremó dekené sukutepatei, mió ai waaire wisi ala saai dapóló kisipa mutu, diā doasi haĭtu beterapó.

⁷ Ti diāpaae ai wale sekēi alané diaaġ tué tiki tiró betere ala mo erapó yópóló, kaae kolóló sū sirapó. Doasi *moni* sere ȝla *kold kapa* simó biliyóló mo ȝla alerótu dere kaae, sekēi alané diaaġ kisipa tiki tiró betere ala kaae kolóló sū su beterapó. Kisipa tiki tiratere ala kolósu, *kold kapa* kolósu depa, kisipa tiratere ala doasi bete moleteiné *kold kapata*, ti doyóló mo aluyaalopó. Yesu Keriso wouraalu hakearatere sukamó, atéró tué tiki tiró betere so whĭ feané kilitu, ita Talené ama kae ere dē wisinaaleró fotokōtamo eratapóló doasi doi mulóló, hale sóró horaalo ai ape.

⁸ Take bitiré wou diaaġ ā kelené kilinirutei, apaae hosaa muóo, miókélé kelené kilinipatei, kisipa tiróo erapó. Atéru, Kótó tuámó bole haĭ wisinaale diā tuámó faanetei, ai bete etérápóló me whĭné yó melaairetei mo sūnipó.

⁹ Ti noatepae, tué tiki tiraté fóló kemene furaalu, saaire kwia ti mió diaaġ mo su beterapó. Ti aita me kae mei, diā aluni tao sóró mo ti betaaire bete ai ape.

¹⁰⁻¹¹ Ai kale bopeyale tao sere alata, mo take Kótóné fo erale kóló whĭrapepaae kale Dēi Kepe Wisiné Kerisopaae eraaire ala i ape yóló yó

matepa, atimanémo mo so whīpaae deté wou bitipakalepó. Ai fo dokonóturaalu, Kerisopaae sekēi ala mo eróo, ai kīlipaae hepen bemó doasi doi mulatere alaró mepaae wisi alatamo āpaae eróo yaletēi, mepaae ala ti eraai teórapó. Ai ala eraai teópa, kale kōló whīrapenē me noa alatamo touróló eraalorópóló kaae tawóo, ai ala metéli eraaloé yóló kaae taru, bete kekitu betóo, ipakalepó. Ai kale kōló whīrapenē bopeyale Kótóné hamokoróló tao sere ala mo dokonóturaalu, diāpaae eratepa diaaḡ mo su betērapó.

¹² Talenē ama kōló whīrapepaae i fo hākearóló erapó. Diaaḡ ai ditu betere kutóta, diā maaté tao saai dumi, take nalo betaaire so whīkélé tao saaire kutó ai ditere ape yalepó. Mió ai kale fo wisi yó matere whīrape, ó hepen bemó betere sekéné dotonale Dēi Kepe Wisiné fotokōratepa, atimanémo diāpaae yó melalepó. Ai fota me kae mei, take betale Kótóné kōló whīrapenē yó melale fotórótípó. Ai ala bete *ensel*-rape atimakélé tuē inireteiné, atima kelenée du betērapó.

Kótóné kele tómó mo kae so whī betae

¹³ Térapa, diaaḡtei diā tēteróló kaae taru, Talenē ala eraaire tuē betā muóo, Yesu Keriso ā hākeamó wouraalu diā hamokoróló tao saaire alapaae betā hosaa muóo iru, siki siki yóló ama ala betā erótu betae.

¹⁴ Take diā mo fo bete tuēni hōko bitu, tó tikiné ekēle yóló du betale bete munire ala momó kae yaḡse. Tēni, diā ā beterepaae ape yale sekē ā mo kae biture kaae, diākélé atēru, naale senaale hama

alimané dere fo mo betā wosóló, aq̄mó betere kaae yae.

¹⁵ Tétu, diāpaae ape yale Kótó āta, me dowi alakélé muni mo kae biture kaae, diākélé me dowi alatamo hosekényi mo kae bitu, ama ala wisi maaté erótu betae.

¹⁶ Ti noatepae, aq̄mó ere fo i ape.

“Ē me dowi alatamo hosekényi mo kae beterapa, diākélé ė ere kaae mo kae betae,” erapó.

¹⁷ Diaaḡ Aya-ó, dā tao sae du betere seké āta, so whi feané du betere ala taleturaalu, mepaae so whi wisiyóló kolóo, mepaae so whi wisiyóló kilini yóo, dere Tale meipó. Āta mo feapaae betā kaae alatóró erótu betere Tale beterapa, diā i haemó uké wale so whi kaae bitu, ā kolóló witamo ama ala betā erótu betae.

¹⁸⁻¹⁹ Ti noatepae, take diaaḡ ayarapené yó tawale mepaae bete munire alarape diaaḡ tokóló ḡoko deté faḡsóró, Kótóné diā dupuyóló tao salepó. Diā atéró dupuyaletēta, doyóló aluyaaire ḡla *silpa kapa ó kold kapané* dupuni, mo whiné *sipsip* hupu fopeyóló tikimó siri ó me ala inire hupu male Talepaae matere kaae, Keriso ā sukuturaalu sókó fele mo doasi ke bole sameanétóró, diā aluyaḡsóró dupuyalepó.

²⁰ Atei wisi ala Yesuné ama erḡpóló, haeró ere ḡlatamo kaaraai irutei, Kótóné ā sókó sóró tukóló kaae beterélipakalepó. Téyaletēi, mió i kemetere alimó ama diā tao saai dotēyale whipóló, so whi feané ā kolḡpóló ḡakearó beterapó.

²¹ Kótóné Yesu Keriso kepaaróló hepen bemó, mo kae ere dē wisinaale tuāmó beteró beterapó. Yesu Kerisoné ama ai yale alané diā Kótópaae tué

tiki tiró beterapó. Téri, take nalo Kótóné diapaee eraaire wisi alaró kisipa tiki tiratere alatamó Kótó tuamó ai ere ape.

²² Diaaḡ mió Kótóné bete mole mo fo wosóló sya foleteimó, diāné dowi ala fea fokóló wisiró beterapa, diaaḡ no nepaae yaala sókó fole ala diāné hosaa mo turóné du betae.

²³ Ti noatepae, diā Kótóné ama naale senaale deyóló beteró beterapó. Atéreteita, kēlaa yóló alutere kené deni, kēlaa initere kené derapó. Ti ai keta me kae mei, betere bete mulu Kótóné mo ti muó tare fonétóró diā kisi so whi deyóló beteró beterapó.

²⁴⁻²⁵ Ti noatepae,

“So whi fea i haemó betere alata, ne sélitu dere kaae yóo,

atimané tikimó ere au wisinaalekélé haemó yó mole ne fua kaae yóo, erapó.

Nekélé hapale séli yóo, ne fuakélé hapale dulukó fóo deretei,

Talené ama fota, ti hāle muótóró tarapó,” erapó.

Aita me kae mei, mepaae whiné diapaee yó male fotóró ai ape.

2

¹ Atérapa, Keriso so whi diāsisi me so whipaae dei tué mutere alakélé, me whi dilikitere alakélé, wisire nisiyóló tó tikiné hāle sikili dere alakélé, mepaae whiné dere wisi alamó dei tué mutere alakélé, me whi hamoma kae kae eratere fo yóló, só deratere alakélé, fea diā tuamó muaqsóro yae.

2-3 Ti Yesu ąta, etei kaae Tale wisi beterapóló diaaą kaae kolóló ai kisiparapa, dią mo teó deýóló betere naale senaale awą naai ekele du dere kaae, Kótóné dią aluyaąsóró tao sere ala wisi mo ti doa yópóló, Dęi Kepe Wisiné matere ąla betątóró ekele yóló nukulé fu betae.

Ąta mo ti betere kane epa, dąta ama sókó sóró kae beteró beterapó

⁴ Ti Yesu Kerisota, be hulua eleké dere kane fake kaae daalu, betere bete ątóró ereteiné, dią ą beterepaae walapó. Mo so whinėta, ai kane fake hąle ąla kaae taae fatepa, Kótóné ama ti be tẹtere kane fake wisipóló, ą tokó sóró kae beteralepó.

⁵ Atérapa, whiné mo be tẹtu dere kaae, dią Kótóné ama ala eratere be daalópóló, diąkéle ai kane fake kaae ereteiné, ą beterepaae wóló, ai ti betere kane fake tómó olekeyóló tẹtu beterapó. Aita, whiné kelené keletere be meitei, Kótóné mo kae tẹne momatere be daalu, dią fea ama kae beteró betere momaratere faketóró aleró beterapó. Atéró, dią Yesu Kerisoné fotokąratepa, so whiné mo ąla Talepaae hąle mótu dere kaae, Dęi Kepe Wisiné dą tuąpaae eratepa, dąnémo Talené doi hale horóló, ama ala erótua dapó. Ai alarape Kótóné kilitu, mo wisirapóló ą doasi hekesetu beterapó.

⁶ Ti noatepae, asę tuąmó Talené i fo dapó.

“Ę betere be hulua Saion-mó be tẹyaa i fótukuróló kane fake wisinaale yąlotei fopeyóló sókó sóró i mulatapa kelae.

Mepaae so whi detamo apaae tué tiki tiró betepa, ti ai so whi hale dere alakélé mo yaalomeipó,” erapó.

⁷ Tué tiki tiró betere so whi diánéta, ai kane fake wisinaale mo doasi bete mulapó, dua dapó. Tépatéi, tué tiki tirénire so whimó kisipa mutu, i fo aserapó.

“Be tētere whirapené dorapóló hale ɔla kaae taae farale kane faketei, be tēyaaire kane fake wisinaale alée felepó,” erapó.

⁸ Me fo i ape.

“Ai kane fakené whi kotóo sóró, dée nalóo, dua dapó,” erapó.

Atéró dée nokole alata, hale mei, Kótóné ama fo wisi wosóló sya feni dereteiné, atima dée nukua dapó. Aita, hale mei, Kótóné i ala yaalopóló, ere fo dokonóturaalu dapó.

⁹ Atima ai ala erapa, diá take diliki tuámó beteretei taaróló, mo kae ere dē wisinaale tuámó betaai ape yale sekéné doi hale horópóló, diá ama sókósu yóló kae beteró beterapó. Téri, diá tēteróló kaae tare topo whi Yesuné tué mole ala eróturaalu, momarateré so whi betóo, ama kae betere tēteróló kaae tare ala tuámó so whi betóo, Kótóné mo ama so whitóró betóo, erapó.

¹⁰ Taketa, diá Kótóné so whi bitinitei, mió ama so whitóró betóo, take Kótóné diá kōleyóló tao sinitei, mió ama kōleturaalu, tao sóo, erapó.

¹¹ Yálo mo hosaa mole no nerape-ó, diá i haemó uké wale so whi kaae beterapa, tó tikiné ekēleyóló du betere dowi ala yaqsóro, tika kae betae yóló, diápaae mo dirii ma fo i dere ape. Ti ai dowi

alanéta, diaaḡ tiki tuamó betere kepetei só deróló dorótu beterapó.

¹² Diḡ i haemó mo so wh̄tamo hosekéyóló ai betera, mo wisi alatóró erótu betae. Mo haḡe betere so wh̄iné diḡ dowi ala dapóló ai só derótu betere ape. Ai fo du betere so wh̄i atima diḡané dere wisi ala kilitu, kisipa feteyóló Talepaae wapa, Kótó ḡa beterepaae wale sukamó atétere so wh̄inétei, ama doi doasi munaalo ai ape.

Doasi topo wh̄iró t̄eteróló kaae wh̄irapetamo aqmó betae

¹³⁻¹⁴ Ti Tale ḡta, fea ala amatóró t̄eteró betera, diḡ ama doi sóró horaai, i haemó mepaae kae kae ala t̄eteróló kaae tanópóló sóró beteró betere wh̄irape aqmó betó muae. Téru, t̄eteróló kaae tare topo wh̄i aqmókélé betóo, ai sekéné dotonatere mepaae ala t̄eteróló kaae tare wh̄irape aqmókélé betóo, yae. Ti ai wh̄irapeta, dowi ala du betere so wh̄imó dowi kwia melóo, wisi ala du betere so wh̄i ti dukiróo yópóló, sóró beteró beterapó.

¹⁵ Ti noatepae, Kótóné ama kisipanéta, diaaḡ du betere wisi alanétei, ai topo dore wh̄irapené diḡ só deróturaalu du betere h̄oko forape alurópóló kisipa mutapó.

¹⁶ Ti diḡta, dowi alané dokóló *dipula* kaae beteró bitini, haḡe betere wh̄i ai betera, atérótóró betae. Atéró haḡe beterapóló kisipa mutu, diaaḡ me dowi ala yaai mole tué tiki so wh̄iné kelaḡsóró, me alané diḡ t̄eteró kaae tanipó dere foné husuraḡse. Aténi, Kótóné ama kutó diratere so wh̄itóró betae.

¹⁷ So wh̄i feapaae fo ó mepaae alarape erótu, atima mo wh̄ipóló kisipa muóló, mo donoi alatóró

erótu betae. Atéturaalu, diã fea betã alatóro iru, kisipa tiki tiró betere hamomatamo hosaa mo turó mulu, yaala sókó fu betae. Kótó ąta, doasi Tale betetapa, ą kilitu wiyóló betae. Téturaalu, kale teteróló kaae tare topo whinė doikélé sóró horótu betae.

¹⁸ Wae sóró kutó diratere so whı-ó, diã teteróló kaae tare whırapené dere fo wosóló, atima aqomó betó muae. Naameyóló mo dua bitu, wisi ala dere whırape aqomó maaté bitini, mepaae deteraa ere whırape aqomókélé dua betae.

¹⁹ Ti noatepae, me whı dowi alakélé inipatei, mené ą fokosói ala depa, ai sekei alané ą só deréni, Kótó mo beterapóló kisipa mutu, hãle beletétóro fu betepa, ti wisi ala dapóló ai whı dukiranérapó.

²⁰ Tépatei, me whı ama yale dowi alamó ą fokosói ala depakélé hãle beleté fu beteremó so whinė ą dukiranénipó. Diaaq wisi ala deremó mené diãpaae eratere sekei ala hãle beleté fu betepa, ti Kótóné keletómó mo wisi ala dapóló dukiranérapó.

²¹ Diã Talené ą beterepaae ape yaleteita, ai ala yaasepóló yalepó. Ti noatepae, ama yale ala diãné kolóló suróló yópóló kisipa mutu, diã tao suraalu Keriso ą doasi seke salepó.

²² ąmó kisipa mutu i fo asęrapó.

“ąta, dowi ala mo betąkélé ini yóo,
so whı dilikóló kapala fo sawakélé ini yóo,
yalepó,” erapó.

²³ Atimané ą só deróló mo dowi faletere ala depatei, amamo atimapaee tokó matere ala mo inipó. ą doasi seke suraalu, diaaq ępaae etei kaae ala eralemó, yalo diãpaae tokó mótu, i ala eraalopó fo inipó. Tokó matere ala taalaturaalu,

mo donoyóló talere sekéné ă kaae tawópóló, ama betere bete Kótóné ama naase tuámó mulalepó.

²⁴ Dăné dowi ala yaai mutere kisipata, ti whị mo sukutu dere kaae sukó, Talené mo donoí ala yaairaalu, ti whị mo biture kaae betóo, yópóló, dăné dowi ala ama tikimó sóró, ă filipaa ni tómó sukălepó. Téturaalu, ama tikimó kae kae susupu saleteiné, dowi alané diă sukunaai yale ala mo ti kemeró beteraþó.

²⁵ Ti diăta, *sipsip* hupu fokó fu dere kaae, take diă kópaae feletei, mió diă momó ai hupu kaae tare whị aqómó betaai, fesaee walepó. Ai sekę ăta, diăné kepe betekélé teteróló kaae tare whịþó.

3

Dokore so whịpaae dere ma fo

¹⁻² Atére kaae, whịné dokore sorape diăkélé di-aaq whịrape aqómó betae. Ti noa ala yaai meipó. Diă dokore whịrape mekó Talené fo wosóló tuę tiki tirénipa, diaaątei i ala yae yóló sę yaąse. Ténı, diăné dere ala me alatamo hosekénı yóo, Tale mo beteraþóló ă aqómó bitu, mo wisi ala maaté yóo dere kilituraalu, atima kőleaanétei kisipa feteyóló Talepaae tuę tiki tiranérapó.

³ Mepaae so whịné, diă sorape diaaą tó tikimó ere au kilitu, mo kokrapó yópóló tó tiki maaté aurótu betaąse. Kae kae ọlané diăné topo niki dokóo, *kold kapané* aleyale naase bi ó depa dere meleke ó oleratere kao ó doasi *moniné* duputere kuti wisinaale horóo deretei, doasi bete mole nisyóló atei kaae ọla ọlané aurótu betaąse.

⁴ Téni, diä kokö yópóló dere auta, ti mo hosaa tuámó erópóló yae. Ti aita, naameyóló mo dua betere ala naao kepe tuámó epa Kótóné kilitu-raalu, ita mo bete mole koköi au erapóló kisipa mutapó. Ti atei kaae koköi auta, doyóló alu deté feni, mo ti yó tawaalopó.

⁵ Take mo kae beteró betere sorapekélé nalo Kótóné atimapaee wisi ala eraalopóló kisipa mutu, atei kaae koköi au dua ipakalepó.

⁶ Ti Serané oma Abraham-paae ă teteróló kaae tare whi-ó yóló, oma aqmó bitu yale kaae, mepaae mo kae beteró betere sorapekélé, atimané whi aqmó bitipakalepó. Sera ă atéró oma aqmó bitu yale kaae, diä wiyóló furu furu ini, wisi alatóró eraté fu betepa, ti Serané ama senaalerapetóró ai betere ape.

⁷ Diä so dokore whirape-ó, sorapepaae yale fo kaae, diäpaaekélé i dere ape. Diä diaaŋ so-tamo betámó bitu, sota whitamó sūni bérápóló kisipa mutu, tao sóró wisi ala maaté erótua yae. Ti noatepae, naao so diaamo wusuró Tal-ené hamokoróló hāle matere mo ti betere bete saaireteiné, diaamoné momatere ala me alané seséyaqsóró, ma fo i dere ape.

Mepaae sekēi ala eratepa tokó meni, wisi ala betā erótu betae

⁸ Kemerótu dere ma fo me i ape. Me ōlamó arale sóró huri dere ala ini, diä fea mo betā tué muóló, dua betó muae. Atéru, me whi hamoma sekē supa, ó dekené sukutepa, ti diaaŋ hosaamókélé suraalu, kōle yóló tao sae. Tétu, diātei deróló mo dua bitu, no netamo yaala sókó fu betae.

⁹ Menétamo diãpaae dowi ala eratepa, diaaõmo atimapaee tokõ melaõse. Ti noatepae, Talené ama wisiraterere ala diãné sópóló kisipa mutu, ă beterepaae ape yalepó. Atérapa, mené diã eraterere fo depakélé tokõ meni, Talepaae atimatei wisirae fotei yae.

¹⁰ Ti noatepae,

“Diã mepaae so whi de wisiyóló hëseketamo bitiré faai depa, ti ai so ó whi ama dere dowi foró kapala fotamo ini, kisipa tekeyóló mo hotowaró betenérápó.

¹¹ Téru, dowi ala yaaire tũpaae feni, woleyóló wisi ala maaté du bitu, hosaa muni deyóló mo dua betae. Aita, mo doasi topo alapa, Talené diã tuãpaae erópóló, ketekë butu betae.

¹² Ti noatepae, donoi ala du betere so whita, Talené wisi kisipatamo kaae tawóo, atimané dere momakélé wosóo, dua dapó. Tépatei, mepaae so whiné du betere dowi alamó Kótó ă felé inipa, ama atima sisópaae erótua dapó,” erapó.

¹³ Diaaõ wisi ala yaai ketekë bupa, ti né diã doraaloé?

¹⁴ Tépatei, diaaõ mo donoi ala deremótei, mené diãpaae sekei ala eratepa, me ıla meipó, Talené dă wisiró beterapó kisipa muae. Ti ašemó i fo erapó. “Atima me sekei ala kolóló witeretei diãné kilitu, ai alamó diã wiyaõse,” erapó.

¹⁵ Téní, diaaõ hosaa tuãmó Keriso ăta, dă têteróló kaae tare Talepóló, diã ă aõmó sukóló betae. Atépa, mepaae whiné diãpaae woseturaalu, take nalo wisi ala kelaalopóló suka fea haĩtu betere-a, noa betené de? depa, atimapaee tokõ melaaire fo

donoróló tawae. Atimané atéro wosetere fo tokó móturaalu, əkélé Talené aleyóló betero betrapóló kisipa mutu, naameiné mo dua yae.

¹⁶ Ti noa yópóló meipó. Di Keriso tuamó bitu, du betere wisi ala mepaae whiné kilitu, dei tué muóló di sό deraalotei, nalo atimané yale ala kisipa duraalu, hoko ala yalepóló atima haleyaalopó. Até yópóló diaa q hosaa tuamó me ala dekaaporóló muni, mo wisi tuétamo mo alatóróti erótu betae.

¹⁷ Di dowi ala deremó seké supa, aita dukiratere ala meipó. Kótóné ama kisipa mole ala wisi erateremó diapaee sekéi ala eratepa, ti wisirapóló kisipa muae.

¹⁸ Ti noatepae, donoi ala initere so whiné dowi ala kwia tokóló aluraairaalu, kale donoi ala dere seké Keriso a mo bet q félitóro sukaletei, momó kae sukəalomeipó. A atéro sukəleteita, di dapesó fóló, Kótótamo betamó beteraai yalepó. A sukópóló dele alata, ti mo hae whi tiki daayóló betepa daletei, momó kepaayóló beteraleteita, ti mo kepené dere ala tuamó kepaaralepó.

¹⁹ əkélé kepetóro bitu, kepené dere ala sya fóló, kale *dipula* betero betere keperapepaae fo yó melale felepó.

²⁰ Ti ai keperapeta, Noané nuku aleyale sukamó Kótóné fo tikitu betepa, ama atima hapale kwia matere ala ini, dua kaae taté fu bitipakalepó. Ai alimó betale so whi mo fea weiné aluróló, 8-ró so whi maaté əkókó fóló, weiné sόró kutu betepa atima aluyaqsóro, Kótóné tao serapó.

²¹ Ti take Noa betale alimó, weiné so whi aluraleteita, da mió i alimó Yesu tuamó wéi tóputere so whi aluyaqsóro, Kótóné tao saaire alapaae dó

faróló erapó. Ti wẹi tóputere alata, tó tikimó ere bólu fokaai dumitei, dạné hosaa tuámó mole tuẹ tiki Kótóné ama keletómó mo wisirapó yópóló, dặle mulótu beterapó. Ti Yesu Keriso ặ kepaayóló betereteiné diặ aluyaqsóró tao su beterapó.

²² Ai sekẹ ặ hepen-paae fóló, Kótóné turu naase dẹmó betepa, *ensel*-rapekélé, mepaae ala tẹteróló kaae tare doasi doi mole keperapekélé, doasi fotokọ bole keperapekélé fea ặ aqómó sukóló betó mulapó.

4

Sekẹi ala wapakélé Talené ala betặ hặle erótu betae

¹ Térapa, Keriso ặ mo hae whị tiki daayóló bitu, doasi sekẹi ala serapa, diặkélé ama muale tuẹ kaaetóró muóló siki siki yóló betae. Ti noatepae, mepaae whị sekẹi ala supa, ti ama du betale dowi ala momó kae enénipó.

² Ai sekẹi ala sale whị i haemó hặle bituraalu, tó tikiné ekẹlere dowi ala yaai kisipa muni, Kótóné kisipa mole ala eraai bitiré faalopó.

³ Ti noatepae, diặ take Kótóné fo woseni hặle betale sukámó, mo hặle betere so whị atima kisi-pané yaaitere ala sya fóló du betale kaae diaaọkélé du betalepó. Ti atei ala diaaọ sụmó yalepa, mió mo ti taalae. Ti hặle betere so whịné dere alarapeta, i ape. Hặkeamó mo sonaalei nópu nokole alakélé, au nokole alakélé, wẹi dekéro nóló dere dowi alakélé, touróló ọla deteremó ọlaró wẹitamo dekéro nokole alatamokélé, hặle họko du betere kae kae dowi alakélé, kuturaalu họko deté kotere

dowi alakélé, bete muni sonaalei kapala kótópaae moma dere alakélé, fea deté fu beterapó.

⁴ Atima beteró betere sere ɔla ɔlatamo hɔle hɔko sonaalei ala du betereteiné, hɔle besekérótua dapó. Ai ala diɔnékélé tokóló initepa, atimané diɔ faleyóló kae kae eratere forape mo dekéro du beterapó.

⁵ Ti ai ala du betere so whi taleyaaire ala hɔsóko feni, mió betere so whiró sukale so whitamó taleyaai donoró betere sekéné taleturaalu, atimapaee diɔné yale ala fea yae depa, me alakó hiraaire tɔ muni, mo fea hakeamó enérápó.

⁶ Atére betené, sukale so whi atima sukai hɔle betepatei, mené kale fo wisi atimapaee yó malepó. Ti aita hɔle mei, i haemó tó tikiné dere ala sya fóló, taletu betere so whi taleyóló só deróo, kepené dere ala tuamó betepa, Kótóné ama taletere ala atimapaee eraleteiné mo betóo yaalopó.

⁷ Mió i haemó mole alarape fea kemetere be de felekemó sóko waai dapó. Térapa, Talepaae momatere ala mo wisiyóló yaasepóló diaaɔ kisipa mo diriyóló bitu, tó tikiné yaaitere ala yaqsóro mo hotowaró tetéroló kae tawae.

⁸ Fea ala tetéro betere doasi topo ala i ape. Diaaɔ hosaa mo turóné diɔsisi yaala sóko fu betae. Ti noatepae, yaala sóko fole alanéta, fea dowi ala munire aqroló husiratapó.

⁹ Diaaɔ bepaae wale uké whirape dape suraalu me fo ini, mo wisi kisipatamo dape sae.

¹⁰ Diɔ feané kae kae wisi ala erópóló, Kótóné diɔ hɔle matere ala wisi séle séle dokɔralepó. Atérapa, Kótóné yapaae noa alakó eró betepa, ti naaomo

hale hamokoroló matere ala taaréni, so whi mo wisiyoló tao sóró erótua yae.

¹¹ Mepaae whinéamo, Kótóné fo yó mótu betepa, hale hoko fotamo touréni, Kótóné ama mo fotóro kutirimó mulóló, mo hotowaró yó mótu betae. Mepaae whinéamo Kótóné so whi tao saai depa, ti Kótóné a matere fotokóné tao sóró erótua enérapó. Ti aita, diaa kae kae du betere ala fea mepaae so whiné kilituraalu, ita Yesu Kerisoné yale alané erapóló Kótóné doi hale sóró horópóló dapó. Ti ata, mo kae ere de wisinaaleró doasi fotokotamo bole Talepa, ama doi hale horóló suka fea mo ti muó tanópóló yae. Mo kée. Tépópóló yae.

Kerisopaae erale sekéi ala kaae, yapaaekélé eratepa kilita sókó faqse

¹² Yalo hósaa mole no nerape-ó, me whiné diapaae susupui ala eratepa, aita diané tué tiki tiró beteretei kaae kilitu dere alapa, kisi ala nisyóló diá kilita sókó faqse.

¹³ Téní, take Kerisopaae erale sekéi ala kaaetóro, mió diapaaekélé ai eratapa, mo kée yóló hajné sukutu betae. Ti noa ala yaaí mei, take nalo Keriso wale sukamó, ama kae ere de wisinaale hakearatepa kilitu, mo kée yóló doasi hajné sukaalopóló kisi pa mutu dapó.

¹⁴ Kerisoné doi diaa tikimó dakeró betereteiné, mené diá faleyóló eratere fo depa, Talené ya wisiró beterapóló kisi pa muae. Ti noatepae, Kótóné mo kae ere de wisinaale faane Kepe Wisi diá tuamó beteró beterapó.

¹⁵ Tépatéi, diakó me whinéamo whi dóló suku-natere ala ó, qlémi nokole ala ó, kaae tare

whirapené fo tukóló kae kae dere dowi ala ó, mené dere ala fasóló deremó diápaae sekei ala eratepa, aita Keriso so whiné dere ala meipóló haleturaalu wi yae.

¹⁶ Tépatei, Kerisoné ala erótu beteremó, mené diápaae sekei ala eratepa, hale yaqse. Téní, diaaḡ tikimó Kerisoné doi moleteiné dapa, Kótóné doi betá hale sóró horótu betae.

¹⁷ Ti noatepae, dā Kótóné ama naale senaale bitu du betere ala tale yaaire be dē kaae sere aḡrapó. Ama taleyóló kwia matere ala kaae suraalu dāpaaepi eróló, nalo kemerótu ti Kótóné ama fo woseni, dowāae fóló tikitú betere so whípaae, mo doasi sekei ala eraalo meipóló kisipa mute?

¹⁸ I fo erapó.

“Donoi so whítamo sekei ala su betepa, Talené ama tao saaire ala hapólupa, ti Kótóné fo woseni, dowāae fóló dowi ala yó tare so whi tao saaire ala mo doasi hapólunipóló kisipa mute?” erapó.

¹⁹ Térapa, Kótóné ama kisipa mole ala erateremó, sekei ala su betere so whi diā kaaróló beteraale sekéné ama diā tao saalopóló kisipa mutu, āpaae tuē tiróló wisi ala betá yó tanérapó.

5

So whi kaae tare whi disiraperó teyó whirapetamopaae dere fo

¹ Diā tuámó betere so whi tēteróló kaae tare whi disirapepaae dirii ma fo i dapa wosae. Ēkélé diā ere kaae, so whi tēteróló kaae tare whi

disi bitu, Kerisopaae erale sekēi ala yało ke-lené mo kelaletēi, so wh̄ipaae yó mótu beterapó. Atéru, Kótóné ama kae ere dē wisinaale so wh̄iné kolópóló h̄akearatere be dēmó, ẹkélé ai dē wisi-naale saaire wh̄i bitu, dīapaae dere ma fo i dapa wosae.

² Kótóné ama so wh̄i t̄eteróló kaae tawae yóló dīa sóró ai beteró beterapa, ai so wh̄i me ala yaqsóró mo hotowayóló kaae tawae. Me wh̄iné dīapaae i ala yae yóló s̄etere fo woseni, Kótóné ama kisi-pané diaāq yópólópó ere ala bet̄a tūé muóló, wisi kisipatamo erótu betae. Doasi *moni* saai dapóló ẹk̄ele dere ala ini, so wh̄i h̄ale tao saaire ketekē bet̄a bulu du betae.

³ Talené dīapaae kaae tawae ere so wh̄i kaae taru, dīa doasi topo wh̄i aoyóló kaae tani, mepaae Keriso so wh̄iné diaāq du betere wisi ala kolóló dīa sya wópóló, wisi ala diaāqpi kaae sóró yae.

⁴ Atéró betepa, Kótóné *sipsip* hupu kaae tare topo wh̄i ̄a sókó wouraalu, Kótóné ama kae ere dē f̄aane doi mole topo tao dīamó matepa saalo ai ape. Ti ai kok̄oi au wisinaale ere topo tao dokélé ini, mo ti muó tawaalopó.

⁵ Dīa teó wh̄irape-ó, kale wh̄i disirape Tale aq̄mó sukóló biture kaae, dīakélé ai wh̄i disi aq̄mó betae. So wh̄i dīasisi u t̄eterótu i t̄eterótu ini, naameyóló dua betere ala kuti kaae deróló betae. Ti noatepae, asemó i fo erapó.

“Mepaae bopé faketere so wh̄iné yaaitere ala Kótóné ama sesé yóo,
naameyóló dua betere so wh̄i ti ama hamokoróló tao sóo, dua dapó,” erapó.

⁶ Térapa, Kótóné ama kisipa mole sukamó diä tao sóró dukirópóló, ama fotokóné teteróló betere aqmó naameyóló mo dua betae.

⁷ Diäta, Kótóné hosaa mole naale senaale betereteiné, ama diä mo wisiyóló kaa tarapa, diaaq enée yóló whaalia du betere sekëi ala fea ama wisi eraté fu beterópóló apaae melae.

⁸ Diaaq tó tikiné du betere ala hotowaró teteróló kaa taru, kele diriyóló betae. Kale whi dó nokole bete haq *laiyon*-né whi dóló naai keketé kutu dere kaa, diäné bóa whi Satan-né diä doraaire tü keketé kutu beterapó.

⁹ Ai sekéné ama kisipa mole ala diäpaae eraqsóró, wisiyóló kaa taru, Talepaae tué tiki tiró betere alané dirii tipi kaa yae. Ti noatepae, ai kaa sekëta, diäpaae maaté mei, i hae kwia feamó betó mole diäné no nerapekélé betä kaa sekëtoró su beteretei diaaq kisipa muae.

¹⁰ Ti diä Yesu Keriso tuamó betepa, Kótóné ama hamokoróló tao sere ala, mo dekéro erótu beterapó. Ai ala du betere Kótóné kae ere dë wisinaale tuamó betaasepóló, diä ape yalepó. Sawa sukamó diä mepaae sekë siré fu betepa, atéyale sekéné diä haepaae derepéni diriyóló beterópóló, amatóro diä fotokó bulóló, mo ti sýraalopó.

¹¹ Ti äta, mo doasi fotokó bole Tale beterapa, so whi feané ä dukiratare ala häle yó tanópóló yae. Mo kée. Tépóló yae.

Mo kemeróturaalu kqleó dere fo

¹² Yälo kisipané Sailas äta yälo mo no bitu, Tal-ené ala eró tare whi wisipó. Atéru, ama ë tao supa, yälo diäpaae mo hälekeróló asëyalepó. Yälo ai

yale așeta, Kótóné hamokoróló tao sere ala diăné tuę yópóló yó melóo, Talené ala erópóló ketekę bulóo yalepó. Télyalepa, Diạ ama ai hamokoróló tao sere ala tuặmó diriyóló betae.

¹³ Talené sókó su yóló diặtamo betặmó beteró betere no nerape atima Babilon be huluamó bitu, diặpaae kọleó dapó. Yesuné yale ala tuặmó yặlo naale sặtóró betere whị Mark-nékélé diặpaae kọleó dapó.

¹⁴ Diặsisi yaala sókó furaalu, kọleó yóló aputu betae. Talené hosaa muni deyóló dua betere ala Keriso tuặmó betó mole so whị diạ fea tuặmó mulópóló yae.

Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Mar 2025 from source files dated 31 Aug 2023

0102a9df-173c-5a64-b766-14ab67a86105